

Estd

1997

Z.B.Y.F. TAANGKO

(An Organ of the Zomi Baptist Youth Fellowship)

LOM - X1 : HAWM II v MONTHLY BULLETIN v February 2010



From :-
ZBC Office,
Bethel Veng,
Champhai - 796 321
Mizoram, INDIA

To

	<i>Laimai</i>
<i>Biakna puak un</i>	1
-Upa Phung Za Go	
<i>Mas leh kumthak zat report</i>	3
<i>2010 Sesih BYF makaite</i>	3
-Asst. Secretary, Vapar	
<i>Murlen pawlpi ah Khrismas & Kumthak</i>	4
-Awi Ngaih Lun	
<i>Kisin kum</i>	6
-Rev. G.K.Nang	
<i>Ngaizawl BYF in pha</i>	6
<i>Skit, Drama leh Lapawl la</i>	
<i>Pa Sawm Thangte innkuanin Mission</i>	
<i>supportna Rs.16,500/- pia</i>	7
<i>Kuaten bang gen?</i>	8

ZBC Mission khawmpi Hiangmun ZBC Biakinn ah ni 12-15 March 2010 sungin kizang ding a, kuamapeuh pai dingin hong kicial hi.

EDITORIAL BOARD**Editor :***Awi Ngaih Lun***Joint Editors :***K.Lang Kap**Z.L.Thang***News Editors :***Rev. Cin Khan Tuang**Sia Kham Suan Pau***Cir. Manager :***Mamuang***Tech. Assistant :***Tin Sawm Lian***ZBYF MAKAITTE
(2008 - 2010)****President :***K.Lang Kap***Vice President :***Kham Suan Pau***Secretary :***Awi Ngaih Lun***Recording Secretary :***Z.L.Thang***Asst. Rec.Secretary :***Thang Lian Mung***Ex-Officio Member :***Rev.Suan Khan Thang***Committee Member te :**

1. Nang Sian Mung
2. Kap Go Thang
3. Thawng Za Muan
4. Khup Khan Pau Ex-Hav
5. Tg. N.K.Hau

Editorial...

Mihing a siamsa leh a theisa a piang ki om lo ahih manin i pian khiat a kipan kisin akisam te ihi hi. Sin ding nei nawn lo zah donga siam akisate pen mihehpihuaitak hi. Pil luat theih luat om theilo leitungah i teng a, theih beh sin beh zel kimaban mawk hi.

Pasian thu lamah akisin akisek den mite in gahpha suah den hi. Biakinn ah phatna la sak ding bek zong a la tam veipi sin khol in sa khol leng kisiam tuam mahmah hi. Tua lo sin mel lo a, sa thei niknek ciang bekin kal i suan khak leh i lasak a ngaih ding zahin ngaih zolo hi. Tua mah bangin thuhilhna neih ding ciangin zong ikisin kholh a, kisakkholhna hun bang zang tam lehang i thugen in mui bun tuam mahmah hi.

Siam zo leh thei khin kisakna lungtang pai khia in, hat semsemna dingin pan lak huai hi. Nisimin kithaksuahn mainawt toh zelna dingin akisin den nuam mi hi ni. Topa Pasian zat theih hi dingin limtakpi in kisin ni.

ZBYF 2010 Budget hawmna :

<i>Sl/No.</i>	<i>Branch/Khua</i>	<i>Laptop</i>	<i>Jubilee</i>
1.	Champhai	4,500	1000
2.	Aizawl	4,400	1,000
3.	Sesih	3,500	1,000
4.	Shillong	2,500	1,000
5.	Hnahlan	1,500	800
6.	Vapar	1,500	800
7.	Murlen	1,500	600
8.	Hiangmun	1,000	600
9.	Vaikhawtlang	800	500
10.	Zokhawthar	800	500
11.	Leisenzo	800	500
12.	New Champhai	800	500
13.	Ngaizawl	500	500
14.	Ngur	500	500
15.	Ngur Vengsang	500	500
16.	Vengthar	300	200

Budget hong kishet te kumlang a cin ma in piak khit sawm dingin BYF member te in han ciam ciat ni.

TAANGKO THUSUAH DING NGETNA

Taangko a suah ding thu leh la hong puak dingin Taangko a la te tungah na hehpihna uh hong kingen hi.

Thu suah ding tawh kisai in thului, teci panna, sermon, la, dialogue, thuthak leh a dangdangte puak theih den hi.

Hih Taangko tungtawnin na vei thute, i gam leh lei khantohna ding a kisan na sak thute imcip mai lo in hong puak zel dingin hong kingen hi.

*-Editor***MAWTAWNEI
TE**

12-15 March,
2010 Mission
k h a w m p i
Hiangmun ah
mawtaw nei
khempeuhte na
mawtaw uh tawh
khawmpi sim dingin
cial na hi uh hi.

-Mission Board

BIAKNA PUAK UN

-Upa Phung Za Go, Vapar

Pasian biakna pen a poimawh mahmah te laka khat ahi hi. Eite hong bawlp a tengah biakna puak den ding pen i leibat lianpi khat hi. Pasian tengah zahtak biakna, lungdamkoh biakna cihte pawl puak zel ding hi. Tanglai hunin Pasian mizatte in na khat peuh hih ding hileh Pasian maiah ki ap tangtang uh a, biakna ngaipoimawh in, Pasian deihna lim zon mahmah uh hi. Tuhun ciangin zong Pasian maiah zahtak biakna akipan piak zel ding pen kuamapeuh mawhpuakna hi ahiah manin citak zaw a kal i suan siam theihna dingin holimna i nei khawm ding hi.

Jesu Khri i neih ni akipan Pasian biak ding i mawhpuakna khat ahi hi. Ei sanga tungnung zaw pek Pasian om a, nisimin Ama tengah biakna puak ding pen i bat tawntung hi cih i phawk ding kisam hi. A mina Khristian hihna bekin bangmah hong tun lo ding a, Khristian man tak suah ding thupi hi. I Lai Siangtho a Pasian a zahtak mite tung panin Pasian biakna tawh kisai i en khawm ding hi.

Noah in Pasian tengah biakna pia :

A thuman, a paubang lo Pasian tawh aki khawl Noah in Pasian thupiakna mangin tembaw bawl hi. Nikhat ni ciangin tuicin hong tung a, a innkuan un suahtakna ngah hi. Tuciin pan a honkhia Pa Pasian tengah Noah in ahiah masak penpen in Topa adingin biakna tau khat lam a, a siangtho vasa khempeuh lak pan khat la in, biakna tau tengah meihal biakna a pia hi (Pian. 8:20). Noah in amah a makaih den tuicin lak panin a honkhia Pasian ahiahna tel in Amah a honkhia Pasian tengah biakna pia hi. Noah in Amah a zawhpih Pasian phawk gige hi. Noah biakpiakna ah Pasian lungdam a, mi

hangin hih leitung ka sam sia ngei nawn kei ding hi, ci hi. Tua bek zong hilo in Pasianin Noah leh a tate thupha pia a, “Pung in khang un la, leitungah tampi tak piangkha in, tampi pha in khang un,” ci in thupha pia hi. Hih panin biakna piak hangin Pasian lungdam ahiahna kitheithei hi.

Joshua in biakna pia : Joshua makaihna tawh Israel galkapte in Ai khua zo hi. Ai khua zawhzawhna dingin Topa thupiakna mah bangin Joshua in a khut sunga om teipi Ai lamah zan a, khuapi zo in hal uh hi (Josh.8:19). Hici zah gualzawhna a pia Pasian ahiah lam phawkin Joshua in Ebal mual tengah biakna tau khat bawl in Topa adingin meihal biaknate pia in, thunuama biaknate go hi. Mite maiah thukham laibute sim hi. Ai khua a zawhpih Topa ahiahna phawk gige in Pasian maiah biakna piak mah kul leh kitangsam masa pen a koihna thupi hi. Pasian in a lam tuamtuamin gualzawhna te hong pia zel a, Ama tengah biakna piak ding a masa penin i koih kha hiam? Zanin nuam takin ihmu in zingsangin hong khanlawhsak

ciangin lungdamkohna Topa tengah i pia hiam? Ei hong bawlp a tengah lungdamkoh biakna piak ding kisam pha mahmah hi.

Tuhun Khristiante in Pasian biakna dinga i zat tuamtuamte anuaia bangin kikum khawm ni.

Phatna lasa in Topa bia ni : Pasian biakna dinga aki limzat mahmah phatna lasak ahi hi. Pahtawina, phatna, liatna khempeuh Topa tengah piak den ding akisampi te laka khat hi. Hi pen Pasian lungdamna hi. I Lai Siangtho sungah Pasian phat dingin limtakin hong hanthawn hi. Ama min siangtho suangin phatna la ginsak ciat ding in hong deih hi. I Topa lian a, nakpi taka phat ding ahi hi (Late 145:3). Pasian phatna la sakna in Pasian biakna mah ahi hi. Tua ahiah manin i hin laitengin Topa phatna la a sa dingte ihi hi. Amah a pahtawi mite Amahin lamsang hi. Tua ahiah manin Pasian a phatphat nuamte hi ni.

Thungetna tawh biakna puak ni : Pasian biakna a poimawh khat thungetna hi. Thungetna i cih pen Pasian tawh kipawlna, kihona hi. Deih teng kisap teng nget theihna Amah bek i nei hi. I lungdamnate i natnate, iheh i dahmate Topa i ngaihmate Topa tengah puak zel ding ahi hi. I lungsim tawng i lawmte nangawn i hilh ngam loh thute i puak theihna hi. I deihte ngen in thumin i tau ciangin nuamin i vangik bang hong zanga, lawm bang phialphial a neih a, Topa tawh hun zat pen nop mahmah a, ihih

den ding ahi hi.

Neihsa tawh biakna : Pasianin i lungsim bek deih lo in i neihsate tawh Amah i biak ding hong deih hi. Neihsa lamsate Topa a hi a, i neih i lam khempeuh Ama hong piaksa hi a, khat zong sit lo in a lakik theipa ahi hi. Neihsa sung panin Ama tengah biakna piak ding i bat khat hi a, Pasian biakna nam khat mah ahi hi. Tua ahiah manin i neihsate tawh zong Amah biakna pia ni.

Lai Siangtho sim tawh biakna : I Lai Siangtho thu pen khatna thukpipi nei vive hi a, lungngai ngai lehang a nam tuamtuamin i lungsungah na sem thei mawh hi. Lai Siangtho sim pen Pasian tawh holimna leh kithuahkhopna mah ahi hi. A thu simsim lehang Pasian itna thukzaw semsem kitheithei a, Amah zahtakna in sim zel lehang i kha nuntakna hong khangsak ding hi. Lai Siangtho sim pen Pasian i biakna nam khat mah hi a, lam hong lak meivak hi. Pasian up dan ding akipan a deihna thu tampi kitheithei ahiah manin nisimin Lai Siangtho simin Pasian tengah biakna piak zelzel ding ahi hi.

Lei leh van kumpi tengah zahtak biakna puak den ding i bat khat hi. Hahkat takin Pasian a bia te hi ni. Topa hoiah ahiah manin Ama tengah lungdamna ko in, a min siangtho phat ni. Amah cih loh biak ding kuamah i nei kei hi. Biakna puan silhin a nungta tawntung Pasian tengah lungdamkoh biaknate puak in, zahtak biakna te tawh Topa bia ni.

MAS LEH KUMTHAK ZAT DAN REPORT

-Asst. Secretary, BYF, Vapar

Mas tunkim nitakin biakin ah programme nuam takin kizang a, BYF in lapawl hoih nono kisa in, a kal lakah lasakna solo kinei in kikhop simin BYF te in praise and worship kimakaih zel hi.

Khrismas ma zan lenkhopna ah khangnote in makaihna tawh Topa Jesu pian dan a limin kilak a, lenkhop kal lakah ciammuih nuih suak tuamtuam kibawl hi. Pa K. Mang makaihna tawh free clinic zong om in mi tampi in damna ngah hi. Miss contest zong kinei a, zan nai 12:00 tan kileng khawm in tuazawh ciang ak tangcim pawlpi mi khempeuhin kine ziahziah hi. Sun hunte a ngeina in pai in lenkhopna lam kipibawlin khia lah sa vive in mas ka zang uh hi. Sun zanin BYF te in lapawl kinei zel hi. Kum 2009 sung ong nusiata phawkna hun zong kizang hi.

Kum khen zan biakinn ah kikhopna ah mi ki talo in BYF ten lunglen huai mahmah lapawl kisa lenkhopna ah programme nop takin kizang a, zan ann dingin BYF te in a don khop uh buh leh balte kine khawm hi. Kidemna tuamtuam kinei in Mr. contest, solo, debate leh a dangdangte nuam takin kizang hi. A ni nih ni upate in sun hun BYF hong pia in tua ah nitak annnek ma tan kidemna tuamtuam tawh hun kizang a, nuam kisa mahmah hi.

A tawp ni lenkhop ki am in zing nai 2:00 a.m. tan kilengkhawm a, nuam

kisa in Upa te leh muan deuhte kiangah sum a ngap zahzah uh kingen a, cik ciang hih bang mel aki bawl kik/kimukik zen tam?

Kum 2010 sunga Vapar BYF in pawl sung khangno puahphatna leh etkikna kinei a, BYF Information Committee kiguang a, BYF Office ding zong kiese a, tua banah Committee member zong nih kilak beh hi.

2010 SESIH BYF MAKAITE

President : Pa Lang Mang
Vice President : Pa Luan Lam Thang
Secretary : Pa Sing Lian Mung
Asst. Secretary : Pa Cin Muan Lian
Treasurer : Lia Man Sawh Lun
Fin. Secretary : Pa Zam Ngaih Lian

Committee Member te :

1. Pa Gin Suan Khai
2. Pa Nang Suan Mung
3. Pa Dong Suan Mang
4. Pa Khup Mang
5. Pa Kap Do Lian
6. Pa Kam Lam Mang
7. Pa Hau Pian Thang
8. Pa Cin Ngaih Lian
9. Pa Nang Khan Khual
10. Pa Zam Sawm Tuang
11. Tg. Kam Suan Thang
12. Tg. Zam Sian Dong
13. Lia Cing Don Kim
14. Lia Zen Muang Kim

Taangko kum khat tat man Rs.30/- a pia nuamte in Agentte tungah piak theih hi.

MURLEN PAWLPI AH KHRISMAS LEH KUMTHAK ZAT THU

-Awi Ngaih Lun

Kum khat tangcim mah aki ngak Khrismas leh kumthak nuamtakin Murlen ah ka zang hi. Pawlpi mite kihongin hong deihsakna uh ka tan manin lungdam ing. Pawlpi mite kuamapeuhin mas leh kumthak ka zat tengah tutung nuam pen ci tek uh a, kilawp in nuam kisa ciat hi. Murlen ZBC pawlpi a Mas leh kumthak zat nuam penah va kihel kha kahih manin hampaha kisa in, nuam ka sakna thu imcip zo lo in kong gelh khia hi.

Mas innpi : Mas tun inn Pa Man Thangte innkuan kihonna leh kipiakna thupi hi. Pasion mite adingin phal takin a inn zang sak in, a mel uh pan akiphalna uh leh akihonna uh kitel a, kuamapeuh kisuakta ngiat in nuam kisa mahmah hi.

Pawi annnek : Pawi bawlina dingin vok lianpipi nih kigo a, Khrismas pawlpi an ni nih kine in, kumthak pawlpi an ni thum kine hi. Meh bawlte lah siamin a meh uh lim thei mahmah hi. Kuamapeuhin kumkhat sung i ngak hilo maw ci in gilvah khit ciangin zong ciangkang tawh kinangin kinene a, gil vah in kitai petmah hi. Zomite pen voksa mah tawh kilungkim mawk ei!

Biakinnah biakpiak kikhop :

Khrismas ma nitak panin zing leh zan simin biakinn ah biakpiak kikhopna om den a, kikhawm zong kitamin biakinn kidim val den hi. Pasion biakna hun limcitak kinei zel a, hun a sawt hun bang a om tei hangin kuamahin cimtak ngei lo in, kham lo takin biakpiakna kinei den hi. Biakpiak kikhopna lasak simin lamtual dimin kilam ziahziah hi. Khrismas khit a ni thum ni pen nipi ni hi a, pawlpi an akibawl loh hangin biakpiak kikhop na ah Pasion Kha Siangtho ompihna kingah

in biakinn sung tutphah teng lakhia in, biakinn sung dimin lamna diannate tawh Topa min kiphat ziahziah hi. Topa min thang hen! Hici bang lawpna Murlen pawlpi ah a khatvei tunna hi, ci uh hi.

Thuhilhna : Mi tuamtuam tung panin thugen kingai khia a, thugente zong ki fit in, a thugente uh ngaihnuamin tha hong lawpsak in, tha kingah thei mahmah hi. Hunpi zang peuhpeuhin kisuanlahna kammal khat ging khia sak den uh a, tua pen ka hun Sia Lun hiam Sia Cin Ngaih Lian hiamin hong zang leh kacih hi ven amau hong sang lo, a cih kei uh leh ei thugen zong za ngeilo ding ahih manin ci in kisuanlahna thu gen masa tangtang uh hi. Lamdang! Pasion ompihna thuhilhthe in ngah ciat uh a, lawpna tak tawh Pasion thu gen thei ciat uh hi. Hi tak panin ka lungsima hong kilang pen cinglo hihna kiphawk gige kawma thuhilhna ah Kha Siangtho in ten nuamsa ahihna hong tel sak hi. Kei zong pawlpite deihsakna ngah in Khrismas leh kumthak ni thum zan biakpiak kikhopah hunpi zangin, ka thugen pai in, pulpit panin thugen ding pawlkhat lamet lohpi in ka ngah a, nuam ka sa mahmah a, thu gen ka kham thei het kei hi.

Hun uk, hun pan leh sumpi ap : Aki gelsa zong hilo Mas biakpiak kikhop ah hun ukte peuhpeuhin thunget khopna hun hong bawl zel uh hi. Pasion huhna leh panpihna mah limtakin kingen a, thunget zong nuam thei mahmah hi. Hun pante in zong lungsim kitamzanin nuamna khituete tawh Pasion maiah biakpiak hun apna hong zat zel uh lamdang ka sa hi. Topa gam nasepna dinga aki tawikhawm sumpi leh mehteh meh gah aki pan apna neite leh hunzawh lungdamkoh thungetna neite peuhpeuh citak thei mahmah uh hi.

Lenkhopna : Lenkhopna tawh kisai in biakpiak kikhop tawp leh pawl annek ma sung, pawl an nek khith leh zan biakpiak kikhop kikal leh zan biakpiak kikhop tawp ciangin lenkhopna Mas tun inn ah kinei den hi. A neu a lianin Pasion min phat a pahtawi nuam kisa ciat a, lamna diannate tawh Topa min kiphat ziahziah hi. Pasion phatna la sak a cin kisa sa a, aw hut khin mataleh kuamah lasak kikhawl nuam tuan lo in phatna lasak kizom zel hi. Tua hi a, hun awng om man lo in la kisasa thei cih pen lamdang mahmah hi. Zan sawtpipi dong la kisasa a, lamtual dimin a lam ding om den hi. Topa ompihna lamdang tak kitang ciatin a neu, a lian, atek a huai dongin Topa minphat a lam nuam kisa ciat hi.

Pasion a lungdamna ngah thakte in mite tha pia : Pawlpi mite sung panin Pasionah lungdamna ngah thak zong bangzah hiam om a, hih mite in kuamapeuh tha pia in ka thei hi. Nuntak

lui kikhel a, nuntak thak ah hong din ciangin kilungdampih ciat in, a lungdamsak Pa Pasion phat ding leh pahtawi ding lohngal leibat akineih lohna hong tel sak hi.

Presbyterian pawlpite tawh : Kumthak ni thum kizang a, a ni nga zanin hong cialna uh mah bangin Presbyterian pawlpite tawh ZBC pawlpi in Pa Lalthianga inn ah lenkhopna kinei khawm hi. Hilai ah zong phatna la a tuamtuamte sa in lamna dianna te tawh Topa min kiphat ziahziah a, nuam kisa mahmah hi. Pawlpi nih kigawm a, Pasion min phat khop pen nop a cin nuam hi.

Murlen Presbyterian pawlpi pen ka khankhiatna pawlpi zong hi a, ka neu tung akipan Pasion thu leh la a hong pattahte hi ahiah manin tuni dongin kei adingin Missionary thupi tak hi ka ci lo thei kei hi. Nidanga Pasion ka biakpih, ka lampih A na ka seppihte tawh Pasion phat khawm thei a hunpha hong pia i biak Pasion tungah ka lungdam hi.

Tu tung Khrismas leh kumthak pen nuam mahmah a, la akisak zawh sung teng a lam ding mi om den hi. La sawm val bang akizomin akisak hangin lasak kikhawm thei lo hi. Ciammuhih nuhihsuak leh thudang la dang kita man lo in Pasion minphat leh patawina leh biakpiakna in hun kizang den ahiahna pen lamdang hi. Lamet bat loh zah donga Pasion Kha Siangtho ompihna akingah zenzen pen a lungdamhuai dan bang tawh teh theih hi kei. Hite tengteng Topa hong ompihna hi. Topa min thang tawntung te hen!

Kisin Kum

-Rev.G.K.Nang, US

2010 kum pen Pawlpi in kisin kum dingin hong geel thei ahiah manin lungdam huai sa ing. Picin kum khith ciangin zong kisin dingin om lailai hi. I picin semsem theihna dingin a kisin nuam minam hih ding kisa hi. A kisin nuam lote picing ngei lo ding hi. Tua ahiah manin kisin dingin pawl khat hih lai-ah kikum dihi ni.

Lai i gelh dan leh i pau dan kibang lo hi. Lai pau kinei a, tual pau kinei hi. Zolai i gelh ciangin laipau kizang a, i tual pau khiat bangin kigelh lo hi. Mizote in a tual paukhiat bangbangin gelh uh a, tua pen Zomite lai paizia hi lo hi. Tua ahiah manin lai i gelh ciangin i pau khiat zui-in gelh loh ding pawl khat om hi. Gentehna:

Pau ciangin

A ci a nat hangin a gimse lua hi kei
 A puan namse lua hi
 A van puak giklaw mahmah hi
 Uang gen law kei in
 Chin Khaw Khai
 lo hi)
 A sanna lam ka kahto hi
 Na tui bawsak kei in
 Khawtaw lamah teng uh hi
 Mit khawmu lo hi
 Ni sa law ding hi
 Lungzuan huai law ding hi
 Gawten buk lam hi

Gelh ciangin

A ci a nat hangin a gimsia lua hi kei
 A puan namsia lua hi
 A van puak giklua mahmah hi
 Uang gen lua kei in
 Chin Khua Khai (Khaw cih bang kinei
 A sangna lam ka kahto hi
 Na tui buasak kei in
 Khuataw lamah teng uh hi
 Mit khuamu lo hi
 Ni sa lua ding hi
 Lungzuan huai lua ding hi
 Guaten buk lam hi

NGAIZAWL BYF IN PHA

Ngaizawl BYF in, Zokhawthar pawlpi pha uh a, ni 13-14 February, 2010 in Champhai, Vengthar leh New Champhai pha uh hi. Pasion thutak tawh hanthotnate pia in, phatna lapawl ngaihnonote sa in pawlpi mite thalawpsak mahmah uh hi. Ngaizawl BYF te kipiak khiatnate thupi in etteh tak mahmah a, a maban uh ah Topa Kha Siangtho in na makaih zel ta hen.

MISSION KHAWMPI OM DING

Ni 12-15 March, 2010 sungin Hiangmun ZBC biakinn ah Mission khawmpi tung ding a, a pai dingin pawlpi mi khempeuh hong kicial hi.

AIZAWL PAWLPI IN Rs.2000/- PIA

Aizawl pawlpi in Teikhang ZBC Biakinn Electric bulhna dingin Rs.2000/- pia cih thu kiza.

NGETNA

2010 ZBC Project te laka khat ahi Sesih English Medium School huhna mimal tungah hong kingen hi. Mission nasepna a ngaihsun a, ZBYF tungtawn a a pia thei dingte in anuaia address ah piak theih hi.

Secretary ZBYF
ZBC Office,
Champhai-796321, Mizoram.

SKIT DRAMA LAPAWL LA

2010 ZBYF Sunday ading anuaia thulute zangin a phuak/gelh nuamte in gelh theih hi.

Skit : *ZBC Manphatna*

Drama : *Tulai vai kei lua (Nungak Tangval)*

Lapawl : *A tel/phuak nuamte*

Thu leh gelh nuamte in April ni 8 beima in ZBC Zum, Champhai ah piak theih hi.

THEIHSAKNA

BYF Member sung panin Tan 10, 12, leh a tung lam lungdampihna Laipi kipia nuam ahih manin 2010 panin hibang zo omte BYF Secretaryin Zumah report piak zel ding hi. -Secretary ZBYF

MARCH 7 ZBWS SUNDAY

March 7, 2010 ciangin ZBC pawlpi khempeuh ah ZBWS Sunday kizang ding ahih manin hih hun ading in pawlpite in hun a nuam thei bang pen a bawl ciat ding in iki zasak hi.

-Secretary, ZBWS

February, 2010

2013 ZBYF SILVER JUBILEE

2013 ciangin ZBYF in kum 25 a cin pawl zat kisawm a, tua adingin Committee tuamtuam kibawl hi. 2010 sung makai ding te :-

Funrising Committee :

Chairman : Pa Nang Sian Mung
Members : Upa Hang Thawn Tuang
Upa T.Thang
Upa SB Khup Khan Pau Ex-Hav.

Souvenir Committee

Chairman : Upa Kham Suan Pau
Pa K. Lang Kap
Pa Z.L.Thang
Upa Kap Go Thang

MISSION SUPPORT NA PIA

Pa Sawm Thang Suante te nupa Australia in ZBC gamsung Missionary khat vakna 2010 adingin Rs.16,500/- pia hi. Amaute tungah Mission Board in lungdamna lianpi ko hi.

MISSION BUDGET PIA MASA PEN

Aizawl ZBC Pawlpi in Mission budget Rs.10,000/- pia a, 2010 sunga Mission budget sung masa pen ahi hi.

ZBWS JUBILEE BUDGET SUNG

2010 sunga ZBWS Silver Jubilee sung masa pen Hnahlan BWS in Rs.700/- sung ta hi.

MISSIONARY THAK KINEI

ZBC Gamsung Missionary ding in Sia Hau Za Khup Mimbung khua kila thak a, tu in Mimbung ah nasep kipan ta hi.

Taangko

7

KUATEN BANG GEN

Kum hong thak zel e, a ngei mah bang kik zel ding maw? A man e..Man Niang

-Ruthi Siami, Vpr

Sanga dil ka bawl na tawl lua, inn ka tun in chabi la a kong ka hon leh i Taangko na om maw ka sim leh, ka gimna teng ong bei hiau.

-Richard K. L. Thang, Vpr

Khatveivei ka ngaihsut ciang Missionary/Lai Siangtho sin a kuan khiat cih khawng ka lungsimah ong om thei zel veh aw..bang ka cih tam...

-Rebecca Nulian Vpr.

A poi lutuk nupi neih ka tum a, midangin a tlanpui khanglang a lawm, ka delh a, ka nang man lo, mahse..

-Tg. Lallo, Vpr.

Singtangah i om a zi neih hun ta ong kici mamah na sa ngiat ing.

-Michael V.S.Piang, Vpr.

Hiangmun khoppi ding ngaklah lua ing, ong it ong ngai a om zong sang zo kei ning.

-Preity & Esther Vpr.

Mawtaw hawl kawma nungak chhah zaw nuam maw ei..!

-Tg. Pau Lian, Cpi

Engmahin a dal zo lo, aw.. hmangaihna hi..!

-Pa Ma Muang, Cpi

Thuakzawh hatna a nei thei dinga kisinsa hi ing.

-Tg. Sawm Lian, Cpi

Ngaizawl pawlpi hong kiphaksak ka

8

Taangko

lungdam mahmah hi.

-Upa Zam Za Lang, Cpi

Tg. Lian Mang, na man Zum nasemte lama a len sese.. -Pa Kap Pau, Zkt.

Sia Sian Mung, koiah om na hiam? Lai Siangtho sang inn hong leng ka cih hi ven!

-Upa Z.K.Dong, Zkt

Siate aw, nong phak uh ciang nuam mahmah hi. Gospel in hong pai zel un.

-Upa Sian Lian Mung, Zkt.

Tonic solfa leh la a tuama kikhen pen a et haksa sa veng aw..

-Nu Mang Za Dim, Zkt.

Lennuai om lai hun ngai veng aw, tui haksa lua veh..

-Nu Awn, Zkt.

Ki senior dawn ta e, hunin lah ong ngak lo. Phamawh kei cidam peuh leh..

-Nukim & Huai, Zkt.

Sesih English Medium School Managing Committee member te pen ngam tuatuam pana pai hi ung..Upa Zam Kap pen Khawsil pan ong pai hih..

-Upa Dal Go Thang, Seh.

Zo lia leh taangte aw, na damdam uh hia? Ka omna panin hong phawk mahmah ing. Note hongphawk

-Pa DS Pau, N.Delhi

Topa in lungsim gilo mite mudah a, a man a gamtate tungah a lungkim hi. (Paurak 11:20)

February, 2010